

# الغش التجاري .. شركتين إماراتيتين دأبتا على النصب على المستهلكين بغياب تام للدولة



الاثنين 10 يونيو 2024 10:25 م

ضمن سيل من الشركات الإماراتية العاملة في مصر، دأبت شركة (Dubai Phone stores) على الغش التجاري وخداع الزبائن بحسومات وتحفيضات غير مسبوقة! ضمن سياق الوهم والاحتيال

وقال عبدالله الفولي في منشور طويل عبر Abdallah El Fouly على فيسبوك إن الشركة وشركة أخرى (حالا) ليس لديهم "مانع أخلاقي تتلاعب بالناس بعروض وهمية عشان تعملوا تسويق فارغ، بس تمام دا اختياركم ..".  
وأضاف "كمان جهلكم مسوحكم في استراتيجيات رخيصة تطعن في مصداقيتكم وتقلل من ثقتنا فيكم، لكن برضو تمام دا اختياركم وقادر افهمه .. اللي مش قادر افهمه؛ ليه الحكومة سايباكم؟ .. فين جهاز حماية المستهلك المصري؟".

وكشف الفولي أنه بعدما تناول الشركتين فقد قامتا (شركتي "دبي فون" و"شركة حالاً") بحذف الإشارة لهما "mention" في المنشور معللاً ذلك فيما يبدو أنه "بدا ما يدخلوا يعملوا كومت توضيح محترم او بيان اعتذار للأسف المشكلة في الدماغ والفكر مش في الموقف والله على رأي القرموطي امسلنا ال mention ...".

ساعات النصب

وشارك Abdallah El Fouly منشوره مع حساب Dubai Phone stores بمدينة 6 أكتوبر-الجيزة، الذي حذفته لاحقا وقال:  
النهاره قضيت 3 ساعات في وصلة جديدة من المسخرة والخداع والغش التجاري، وبعد انتظار طويل في الطابور أخيراً وصلت ..  
- مساء الخير انا جاي استفيد من عرض خصم ال 50%  
بس ايه الزحمة دي؟  
= أهلاً بحضرتك، فعلاً النهارده فروعنا كلها زحمة عشان العرض،  
بطاقتك لو سمحت ..  
- افضل البطاقة، عاملين انتو إعلانات جامدة ع السوشيال ميديا وفي كل مكان ..  
= احنا تحت أمرك يا فندم  
- ممكن تفهمني اكثر تفاصيل العرض؟  
= عاملين خصم 50% على كل الموبايلات واللاب توب، تقسيط 24 شهر، بدون مصروفات إدارية، بدون مقدم  
- فعلاً عرض جامد جداً، طيب والفوايد كام؟ لأنني اتصلت بالكول سنتر و اتواصلت مع صفحة فيسبوك، لكن قالولي ممنوع بقولوا الفوايد كام إلا في الفرع!  
= الفوايد 100% يا فندم  
- حضرتك بتهزر صح؟  
= لا والله بجد 50% على السنة الأولى و 50% على السنة الثانية  
- معلىش فهمني اكثر ..  
= يعني حضرتك بتسأل عن Iphone 15 Pro Max دا سعره عندي بـ 66,000 جنيه حضرتك هتاخده بسعر 33,000 جنيه  
- ممثاااز دا عرض هائل  
= بس حضرتك هتدفع عليهم فوايد 33,000 جنيه، يعني يكون واقف عليك بـ 66,000 جنيه ..  
- الله! طب وانا كده استفدت ايه؟  
= استفدت ان حضرتك اخدت الموبايل تقسيط على 24 شهر بدون فوايد  
- طيب ما تقولوا ان العرض "تقسيط على 24 شهر بدون فوايد"  
الموظف بيتسم ..

